

Tiada banjir besar di Malaysia tahun ini

**Fenomena El Nino
selamatkan
Kelantan, Terengganu,
Pahang daripada
musibah banjir**

PERISTIWA banjir besar yang melanda beberapa negeri hingga memaksa lebih 200,000 mangsa dipindahkan pada penghujung tahun lalu dijangka tidak berulang tahun ini.

Setakat semalam, hanya negeri seperti Perak, Selangor, Melaka,



KERATAN Kosmo! 27 Disember 2014.

Johor dan Sarawak dilanda banjir kilat di sana sini walaupun musim tengkujuh sudah bermula lebih dua minggu lalu.


Ketua Pengarah Jabatan Meteorologi Malaysia, Datuk Che Gayah Ismail berkata, negeri-negeri Pantai Timur termasuk

Kelantan terselamat kali ini memandangkan fenomena El Nino yang sedang melanda telah menyebabkan pengurangan jumlah taburan hujan.

"Kita sudah menjangka kejadian banjir tahun ini tidak ekstrem seperti tahun lalu kerana fenomena El Nino sekarang telah meningkatkan suhu antara 0.5 hingga 2 darjah Celsius sekali gus mengurangkan hujan pada musim tengkujuh," katanya.

Bagaimanapun, tambah beliau, Terengganu, Pahang, Johor dan bahagian barat Sarawak dijangka dilanda hujan lebat bermula esok hingga 18 Disember ini.

SEKADAR KENANGAN... Bandar Kuala Krai, Kelantan lumpuh pada 27 Disember tahun lalu selepas ditenggelami air.



KEADAAN banjir kilat di Kampung Seri Sentosa, Ijok, Selangor semalam. Banjir besar dijangka tidak melanda Malaysia pada tahun ini.